

Matyu 1




Akualu 6-pela popesa rabu Elisabet naaki padaa aba pirina Gote-me ensel Gebriel mo Galili su robo ru-nane adaare Nasaret-para penaasa. Nipumi ona inumakua meda piri-para pisa. Abade go onare aa meda Josep-me rumaatalo oyae kalabaasa. Go aare akua Devit-na rurumi madini aa pirisa. Ona inumakuana biri Maria.



1

Go raburi ensel-me Maria lakesa: Neme paala naomape. Gote-na konemere ne puri meainalo pi sa. Waru paga. Neme naaki padaa pirua naaki meda madiali. Nipuna biri Yesu ma-ape. Go naaki nipu aa adaa piralia rabu onaanumi nipu so yaa madaa pia Gote-na Si teme. Gore Gote-me nipu akua Devit-na ruruna ora aa mudu mapiraalia. Nipuri Jekop-na ruruna aa mudu page oro yaalo piralia.

Goa pua nipuna Surube
Su ora namadia yaalia sa.



2

Goa sa rabu Maria-me mo ensel agaa misa: Go naakiri akea pua madialua ya? Neme aa page meda abi nape-ga. Go raburi ensel-me gupa lakesa: Holi Spirit-mi ne madaa ipua Gote-na puri ora so madaame ne waru surubalia. Goa palia-pulu orope go naaki neme madiali. Gore onaanumi go epe naaki nipu epe

aa loa Gote-na Si teme.



3

Gore orope Maria nipu rekoa aipapulu so rudu-nane ae adaare meda Judia pisa. Nipu pua no Sekaraia-na ada-para pua odobaawa Elisabet-para epe naare pa lo agaa pua lakesa. Elisabet-me Maria-na agaa pagesa raburi mo Elisabet-na robaa-para piri naaki pogosa.



4

Go rabu Elisabet madaa Holi Spirit rulatabesa. Go rabu Elisabet-me Maria-para puri paloa gupa sa: Robaa-para pirana page nipu epe puri mealia.




5

Yesu Krai nipu madisa-na remaare go-rupa: Nipuna agi Maria-re aba Josep-na rumaainalo mada misimi. Goa pisimi pare Josep nipumi abi narumaasa rabu Maria-me nipu madaa Holi Spirit-mi naaki padaa pa maraasa. Go ona nipuna polalo pi aare Josep yapare nipu ora epe aa ya-pulu nipumi Maria yala namapolaano kone isa. Goa pisa-pulu nipumi kudiri pi kone sua pawasi gimalua kone isa.




6

Josep nipumi go kone pa niminaaba pirina upaame Gote-na ensel meda adesa. Go ensel-me nipu-para lalo: Josep nere Devit-na si. Nena ona Maria meape paalame naomape. Paga, mo robaa-para pia naakiri Holi Spirit-mi mapiraariade. Nipumi naaki madialia rabu nipuna biri Yesu lape.



7

Gore nipumi onaa rayona wae yaenu mea raakepe ruboa nimu epe-rupa raba mua mapiraalia sa. Josep nipu u patua rekesa rabu mo Aa Mudu-na ensel-me lakesa agaa pagoa nipumi go ona nipuna ore-rupa misa. Pare nipuna oname naaki padaa pa pirina nipu raapu u napatasi. Go naaki madisa rabu Josep-me bi Yesu lo lakesa.



8

Go raburi Rom su-para piri aa mudu Sisar Ogastus-mi puri pane lo meda isa. Nipuna surube onaa rayona bi pepa madaa talepape sa. Goa puare onaa rayona bi pepa madaa mea sulalore nimuna



adaare-para pisimi.

9


Josep-re nipu Nasaret su-para pirisa. Nipu aa mudu Devit-na ruru pirisa-pulu nipu Galili su robo ru-nane pua adaare Nasaret gimoa su Yutia-para pisa. Go su-parare akua Devit-na adaare



Betlehem-para pisa.

10

Nipuna ona Maria raapu bi pepa madaa mea tu sulalo pisipi. Go raburi Josep-me Maria pena rumaasa pare nipu naaki padaa aba pirisa.



11

Nipu go su Betlehem-para pa pirina Maria-na naaki madiape di rudu sa.



12

Go rabu nipuna naaki mupaa madua pa mamina-me mea rigitua isa. Goa pua gawana eta nape wako madaa mea madu isa. Mo kimisu onaa patuladede pi ada aba rulatab esa-pulu gawana ada-para epa pirua madisa.



13

Go raburi go su-parare mena sipsip puni aanu medaloma adaare-para amaa aasimi. Gore nimumi ribaane-para nimuna sipsip mena surubisimi. Gore Aa Mudu-na ensel meda nimu pirisimi-para ipisa-pulu



nimumi adesimi.

14

Go rabu Aa Mudu nipuna epe paana purimi nimu pirisimide-para epaa roasa. Roasa rabu nimumi paalame omo pirisimi. Paala omesimi pare ensel-me nimu gupa

lakesa:
Nimimi
paala
naomalepape.
Pagalepa.



15

Neme nimi piri-para epe agaa mea i-pulu. Go agaa madaare onaa rayome raaname omalimi. Abia go ribaare Devit-na adaare-para ona padaneme nimi Raba

meape Aa
madiaade
sa. Go aare
ora Aa Mudu
Krais yaade.



16

Nimimi nipuri gupa adoa niminaalimi sa: Nimimi puare naaki meda mamina-me rogaae adalepape. Nipu gawana eta ne kopo madaa apo mapataeme-daa sa.



17

Ensel-nu goa sa raburi ora aipapulu so yaa-para ensel-nu ora adaapu nipu raapu epa pabo aawa Gote-na bi gupa minasaasimi:



So yaa-para piri
Gote-na biri ora
minasaamina simi.

18

Go su amaa onanuri Gote-me pedo pea-ga epe-rupa pirina simi.



19

Ensel-numi mo aanu gimoa so yaa-para penaaloo mo mena puni aanu nimumi gupa lala pirisimi: Abia Aa Mudumi niaa aba lagiade-ga aipapulu go naaki madiana-para adamina bai simi. Nimu aipapulu pua Maria Josep nipu lapo asapua adesimi.




20

Go rabu mo naakiri gawana eta ne wako madaa madu saabaena adesimi. Nimumi pua adoa aba so ensel-numi mo naaki madaa lakesimide remaa lakesimi.



21


Maria-me Yesu Betlehem adaare-para madisa. Go suri Judia su ru-nane aasa. Go naaki nipu



22

madisa raburi Herot nipu aa mudu pirisa. Gore aba madinaloa uba kedo madaa kone makuaae aanu medaloma mo naare opa ipula-nane pirua Jerusalem su-para ipisimi.

Epa opopaawa agaa gupa misimi: Go kagaa naaki nipu Judia onaanuna aa mudu pirape aare aa-para



23


madia ya? Niaana su-para pirua nipu madini su waala uba kedo adoa epa amaa. Nipuna bi minasaatalo.

Go tu isa agaa pagoare Herot nipumi pawasi kaledoa mo naare ipula-nane piri makuaae aanu ipulupa lo lakesa. Goa pua go uba kedo opapariaade diri aa-rabu yaalo agaa misa.




24

Go agaa mua sana nipumi go makuaae aanu Betlehem adaare-para wala rapaawa agaa gupa lakesa: Nimi puare puri paloa go naaki waru asapula pulupa. Nimimi aba adasaalimiri ni piri wala epa lagialepape. Goa palimiri neme page nipuna bi minasaata palua sa.



25


Mo aa muduna agaa aba pagoare nimu pisimi. Go adoa ipisimi uba kedo wala epa opoa puua-mama puare mo naaki madu saapiri ada masaa madaa pua aasa. Nimu ru-nane pua odobaawa simina mo naaki Maria agiaaya pua adesimi. Go rabu nimumi su adoa rumu koba pua mo naakina bi minasaasimi.



26

Nimuna paus loba epe kaa pi oyae medaloma pa epa kasimi. Nimumi abu pi gol aana-me warini epe yae-para

paura epe kaa pi yaenu-para epe kaa pi wabola nona plane yae medaloma page epa kasimi. Gore upaame Gote-me nimu gupa lakesa-pulu nimu Herot piri wala napsimina nimuna pora rado meda mada pua nimuna ada wala pisimi.



27

Nimu aba penaaloo Gote-na ensel-me ipua upaame Josep gupa epa lakesa: Nena naaki agiaaya mea pu no Isip su-para pogola pulupa. Ne go su-para piraina wala orope go su gimape yapi di epa lagialua. Abiare Herot-me go naaki


asapua tulalo pia.



28


Gore Josep go agaa pagoo sana nipu ruma rumane rekoa nipuna naaki agiaaya mo Isip su-para mea pisa. Josep nipu mo Isip su-para pirina Herot omesa. Josep nipu go su-para pisare Gote-na agaa lakene aanu lakesa-pulu pa pisa. Buk madaa Gote-na agaa lakene aa nipumi gupa

tisaa-ya: Nina naaki Isip su-para pirisa pare neme yaasude tu isaya.



29

Gore abade mo naare ipula-nane piri aanumi Yesu madini su Herot nalakeloa pogola pisimi-pulu Herot-me nimu ratu yawesa.




30

Herot nipumi mo kimisu aanu-para agaa misa rabu go aanumi mo uba kedo opasade di lakesimi-pulu Herot-me mo naaki madini di niminaawa tu maomaatalo pisa. Go raburi nipumi Betlehem su-para pirua

maali laapo abi napati

naaki rayo tu maomaina sa.




31

Orope Herot aba omenaloo Aa Mudu-na ensel medame Isip su-para ipua Josep nipu upaame gupa epa lakesa: Ne rekoa nena naaki agiaaya mea pu nimina su Israel su-para wala pulupa. Mo naaki tulalo paade aare aba omaade.



32


Gore Arkelaus-me nipuna aaraa
Herot alopaawa nipu
Judia suna aa mudu
pirisa. Gore Josep-me
go remaa aba



pagesa-pulu nipu
go su-para pope paalame omesa.
Pare Gote-me Josep upaame agaa gupa
epa lakesa. Go nimu Galili su ru-nane wala pisimi.

33

Nipu pua Nasaret
adaare-para pua
pirisimi. Gore abade
Gote-na agaa lakene
aanumi ora agaa
gupa lo



mapataasimi: Nipuri Nasaret
su-para piri aa simi.

34

Gore Gote-me su amaa piri onaa rayo
madaa pedo pu raaname omesa-pulu ora
nipuna Si padane mea repasa. Goa
pea-ga onaa rayome ni madaa
kone mapiraalimiri nimu ora
naomalimi pare oro yaalo
kagaa piraama
laama
palimi.

36

60

35

Rom 3:23

Onaa rayome pupitagi neme-pulu nimumi Gote-na oro
yaalo mapiraape kone na-ademe.

Rom 6:23

Pupitagi ne konemere onaanu yoto katea rabu omape yae
mealimi. Goa pea pare Gote-me ode pa gi yaemere
niaana Aa Mudu Yesu Krai raapu oro yaalo
kagaa pirape kone mealima.

Hibru 9:27

Onaa rayore padane rabu omoa wala orope Gote-me
onaa rayo koso madaa epena tea.

Efesus 2:8,9

Gote-me nime epe raba meape kone gisa-pulu nimimi
Krais madaa kone rulaawa oro yaalo kagaa piraama laama
palima. Go konere niaame pula pisima-rupadaa dia pare
Gote-me niaa pa ode gisa. Goa pua niaame yae meda
madaa napalima-pulu niaana bi naminasaamina.

36

Rom 10:9,10

Niaame gupa mogetema: Nimimi nimina agaame Yesu ora
niaana Aa Mudu loa nimina robaa-para Gote-me Yesu
matmat-para marekaasa-ga kone rulalimiri oro yaalo
kagaa piraama laama palima. Gore niaana robaa-parare
kone rulaema-pulu Gote raapu niaa redepo ne onaanu
pima. Goa pua niaana agaame Yesu ora Aa Mudu
tema-pulu oro yaalo kagaa piraama laama palima.

Jon 3:16,17

Gore Gote-me su amaa piri onaa rayo madaa pedo pu
raaname omesa-pulu ora nipuna Si padane mea repasa.
Goa pea-ga onaa rayome ni madaa kone mapiraalimiri
nimu ora naomalimi pare oro yaalo kagaa piraama laama
palimi. Goa pea-pulu Gote-me ni nipuna Si su amaa koso
agaa pagenalo namea rapaasa. Dia, pare onaa epe pora
mea wanalo mea rapaasa.

37

1 Jon 5:11-13

Gore ora agaa Gote-me niaa laguayare gupa pagamina:
Gote-me abade niaa oro yaalo pirape kone gisa. Gupa
pisa-ga oro yaalo kagaa pirape konena re-re niaa nipuna
Si Yesu raapu pirua muaema. Onaa rayome Gote-na Si
madaa kone rulaawa pogatua pitimi-daare nimumi go oro
yaalo kagaa pirape kone muaeme. Goa pea pare onaa
rayome Gote-na Si madaa kone narulaawa nipu raapu
napiruaemere nimu oro yaalo nipu raapu napiralimi. Neme
go pepa nimimi adaliminalo repatore nimimi oro yaalo
Gote raapu pirua niminaaminalo repaato. Nimimi Gote-na
Si Yesuna bi madaa kone rulaeme-pulu oro yaalo kagaa
pirapena re adaliminalo repaato.

38

Matyu 1-2; Luk 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter, Sarah S.

Kewa, West NT (kew) © 2004, Wycliffe Bible
Translators, Inc. All rights reserved.

<https://live.bible.is/bible/KEWPNG/GEN/1>

©2026 Bible for Children, Inc.

www.M1914.org www.bibleforchildren.org